

永樂大典

卷一萬五千九百
五十

永樂大典卷之一萬五千九百五十

九震

運 元漕運二

經世大典歲運報數。至元二十年。該運報四萬六千五百五十石。運到四萬二千一百七十二石二斗二升五合。事故報八百七十七石七斗五合。至元二十一年。該運報二十九萬五百石。運到二十七萬五千六百一十石。事故報一萬四千八百九十石。至元二十二年。運報一十萬石。已運到報九萬七百七十一石五斗五升。事故報九千二百二十八石四斗五升。至元二十三年。運報五十七萬八千五百三十石。已運到報四十三萬三千九百五十四石。事故報一十四萬四千六百一十四石六斗。至元二十四年。運報三十萬石。已運到報二十九萬七千五百四十六石七斗。事故報二千四百五十三石三斗。至元二十五年。運報四十萬石。已運到報三十九萬七千六百五十五石八斗六升。事故報二千三百四十四石一斗四升。至元二十六年。該運報九十三萬五千石。已運到九十一萬九千九百四十三石。事故報一萬五千五百五十七石。至元二十七年。

永樂大典卷萬五千九百五十

該運報一百五十九萬五千石。已運到報一百五十一萬三千八百五十六石八斗。事故報八萬一千一百四十三石二斗。至元二十八年。該運報一百五十二萬七千二百五十石。運到報一百二十八萬一千六百一十五石。事故報二十四萬五千六百三十五石。至元二十九年。該運報一百四十萬七千四百石。已運到報一百三十六萬一千五百一十三石六斗八升。事故報四萬五千八百八十六石三斗二升。至元三十年。該運報九十萬八千石。已運到報八十八萬七千五百九十一石五斗。事故報二萬四百八十五斗。至元三十一年。該運報五十一萬四千五百三十三石。已運到報五十三萬五千五百三十四石。事故報一萬九百九十九石。元貞元年。該運報三十四萬五百石。俱到。元貞二年。該運報三十四萬五百石。已運到報三十三萬七千二百六十六石六斗。事故報三千四百七十三石四斗。大德元年。該運報六十五萬八千三百石。已運到六十四萬八千一百三十六石九斗五升。事故報一萬一百六十三石五斗。大德二年。該運報七十四萬二千七百五十一石。已運到報七十萬五千九百五十四石五斗。事故報三萬六千七百九十六石五斗。大德三年。該運報七十九萬四千五百石俱到。大德四年。該運報七十九萬五千五

百石。已運到糧七十八萬八千九百一十八石二斗七升。事故糧六千五百八十一石七斗三升。大德五年。該運糧七十九萬六千五百二十八石。已運到糧七十六萬九千六百五十五石。事故糧二萬六千八百七十八石。大德六年。該運糧一百三十八萬三千八百八十三石六斗三升。已運到糧一百三十二萬九千一百四十八石一斗。事故糧五萬四千七百三十五石五斗三升。大德七年。該運糧一百六十五萬九千四百九十一石三斗二升。已運到糧一百六十二萬八千五百八十八石八斗七升。事故糧三萬九百八十二石四斗五升。大德八年。該運糧一百六十七萬二千九百九十九石八斗六升四合。已運到糧一百六十六萬三千三百一十三石五斗九合。事故糧九千五百九十六石三斗五升五合。大德九年。該運糧一百八十四萬三千三百九十九石。已運到糧一百七十九萬五千三百四十七石一斗一升六合二勺。事故糧四萬七千六百五十六石七斗八升三合八勺。大德十年。該運糧一百八十八萬八千一百九十九石五斗。已運到糧一百七十九萬七千七百八十八石三斗七升五合二勺。事故糧一萬一千一百二十一石一斗二升二合八勺。大德十一年。該運糧一百六十六萬五千四百二十二石八斗五升五合三勺。已運到糧一百六十四萬四千六百七十九石一斗七升八勺。事故糧二萬七百四十三石六斗七升七合五勺。至大元年。該運糧一百二十四萬一百四十八石四斗八升八合七勺。已運到糧一百二十萬二千五百三十三石四斗七升三合九勺。事故糧三萬七千六百四十五石一升四合八勺。至大二年。該運糧二百四十六萬四千二百四十八石。已運到糧二百三十八萬六千三百四十八升一合。事故糧七萬七千九百四十三石三斗一升九合。至大三年。該運糧二百九十二萬六千五百三十三石六斗四升九合。已運到糧二百七十一萬六千九百一十三石九斗九升五合。事故糧二十萬九千六百一十九石六斗五升三合四勺。至大四年。該運糧二百八十七萬三千二百一十二石一斗。已運到糧二百七十七萬三千一百六十六石一斗九升六合。事故糧九萬九千九百四十五石九斗四合。皇慶元年。該運糧二百八萬三千五百五十四斗七合。已運到糧二百六萬七千六百七十二石八斗六升七合。事故糧一萬五千八百三十二石五斗四升。皇慶二年。該運糧二百三十一萬七千二百二十八石八升四合。已運到糧六十五萬四千三十六石一升五合。事故糧一十五萬八千五百四十三石一斗一合。

祐元年該運糧二百四十萬三千二百六十四石四斗三升四合。已運到糧二百三十五萬六千六百六石一斗二升二合。事故糧四萬六千六百五十八石三斗一升二合。 延祐二年該運糧二百四十三萬五千六百八十五石九斗九升八合。運到糧二百四十二萬二千五百五石一斗九升二合。事故糧一萬三千一百八十八石八斗六合。 延祐三年該運糧二百四十五萬八千五百一十四石一斗八升五合。已運到糧二百五十三萬七千七百四十一石一斗八升五合。事故糧一萬七百七十三石。 延祐四年該運糧二百三十七萬五千三百四十五石四斗三合。已運到糧二百三十六萬八千一百一十九石六斗四升二合。事故糧七千二百二十五石七斗六升一合。 延祐五年該運糧二百五十五萬三千七百一十四石三斗一合。已運到糧二百五十四萬三千六百一十一石五斗四升一合。事故糧一萬一百二十七石七斗六升。 延祐六年該運糧三百二萬一千五百八十五石八斗八升九合。已運到糧二百九十八萬六千七百一十七石九斗七升八合。事故糧三萬四千八百九十一石九斗一升一合。 延祐七年該運糧三百二十六萬四千六百五斗六升七合。已運到糧三百二十四萬七千九百二十八石一斗六升二合。事故糧一萬六千

永樂大典卷萬五千九百五

七十八石四斗四合八勺。 至治元年該運糧三百二十六萬九千四百五十一石五斗六升四合。已運到糧三百二十三萬八千七百六十五石九斗一升九合八抄五撮。事故糧三萬六千八百八十五石六斗四升四合九勺一抄五撮。 至治二年該運糧三百二十五萬一千一百四十石。及帶起附餘香白糯米一萬八千九百四十二石六斗一升二合。已運到糧三百二十四萬六千四百八十三石一斗五升七合。事故糧二萬三千五百九十九石四斗五升五合。 至治三年該運糧二百八十一萬一千七百八十六石九斗三升七合。已運到糧二百七十九萬八千六百一十三石九斗六升三合。事故糧一萬三千一百七十二石九斗七升四合。 泰定元年該運糧二百八萬七千二百三十一石七斗八升九合。已運到糧二百七萬七千二百七十八石三斗六升九合。事故糧九千九百五十三石四十二升。 泰定二年該運糧二百六十七萬一千一百八十四石六升已運到糧二百六十三萬七千七百五十一石八斗九升四合。事故糧三萬三千四百三十二石七斗五升。 泰定三年該運糧三百三十七萬五千七百八十四石二斗八升。已運到糧三百三十五萬一千三百六十二石三斗六升。事故糧二萬四千四百二十一石九斗二升。 泰定四年該

永樂大典

卷一五九五〇

運糧三百一十五萬二千八百二十石六斗六升。已運到糧三百一十三萬七千五百三十二石七斗七升。事故糧一萬五千二百八十七石八斗九升。天曆元年該運糧三百二十五萬五千二百二十四石四斗四升。已運到糧三百二十一萬五千四百二十四石三斗。事故糧三萬九千七百九十六石四斗一升。天曆二年該運糧三百五十二萬二千一百六十三石一斗。已運到糧三百三十四萬三千六百六十二石。事故糧一十八萬一千八百五十六石九斗。收江南糧鼠耗則例。至元二十二年十月中書戶部呈。依奉省劄。照依江南民田稅石。擬合依例每石帶收鼠耗分例七升內除養贍倉官斗脚一升。外六升與正糧一體收貯。如有短折數目。擬依腹裏折耗。例以五年為期。準除四升。初年一升二合。次年二升。三年二升。四年三升。四年四合。五年共報四升。餘上不盡數目。追徵運官。若有不及所破折耗。從實準算。無得因而作弊。多破官糧。外據官田帶收鼠耗分例。若依行省所擬。比民田減半。每石止收三升五合。却緣前項所破正糧。擬合每石帶鼠耗分例五升。似為允當。呈乞照詳。議得除民田稅石。依準戶部所擬。外據官田擬依行省所咨。減半收受。都省移文江浙等處行中書省。照驗定擬。南糧北糧耗例。至元二十五年十月。省臣奏准。南糧每石

永樂大典卷一五九五〇

四

帶耗一斗四升。北糧七升。定到省倉馬頭倉站車。填河船運。各各該數目。劄付戶部去訖。近據省倉馬頭倉官人等。告稱見定破耗。委實不敷。不惟倉官破家艱辛。官司積累懸欠數多。公私不便。今都堂再行圖議。聞奏。過下項各各合添耗糧例。開列于后。南糧元破每石帶耗一斗四升。海運至直沽每石四升。直沽每石一升三合。船運至河西務每石七合。河西務每石一升三合。船運至通州每石七合。通州每石一升三合。填河運至大都每石一升。站車運至大都每石七合。省倉每石三升。今議每石帶耗一斗七升五合。除元破外添三升五合。依舊破耗。海運至直沽每石破四升。直沽一升三合。添破耗糧搬運。直沽至河西務。每石一升二合。元破七合。添破五合。河西務破耗二升。元破一升三合。添破七合。船運河西務至通州。每石破耗一升五合。元破七合。添破八合。通州倉二升。元破一升二合。添破七合。填河站車運至大都。每石破耗一升五合。元破一升。添破五合。省倉每石四升。元破三升。添破一升。北糧元破每石運至大都。通破耗米七升。河船運至河西務。每石破五合。河西務每石破一升二合。盤船河西務運至通州。每石破耗三合。通州倉每石破一升三合。站車

運至大都。每石五合。填河運至大都。每石七合。省倉每石二升五合。今議每石帶耗八升二合。內除元破。外添一升二合。船運自唐村等處。運至河西務。每石破七合。元破五合。添破二合。河西務倉。每石破一升五合。元破一升二合。添破三合。船運河西務至通州。每石破五合。元破三合。添破二合。通州倉。每石破一升五合。填河站車。運至大都。每石破耗一升。元破七合。添破三合。省倉每石破三升。元破二升五合。添破五合。南北倉添鼠耗則例。至元二十六年閏十月。省臣奏各倉官員。皆稱往歲定到鼠耗。分例數少。倉官陪償。破其家產。鬻其妻小者有之。因此多欠糧數。臣等圓議。去年奏添南糧。自直沽東運至河西務。每石元破七合。今添五合。河西務運至通州。每石元破七合。今添八合。河西務倉內。每石元破一升三合。今添七合。通州倉內。每石元破一升三合。今添七合。填河站車。運至大都。每石元破一升。今添五合。省倉內。每石元破三升。今添一升。北糧內。自唐村等處。運至河西務。每石元破五合。今添二合。河西務倉。每石元破一升二合。今添三合。河西務船運至通州。每石元破三合。今添二合。通州倉。每石元破一升三合。今添二合。填河站車。運至大都。每石元破七合。今添三合。省倉每石元破二升

水乘大典卷五十九百五

五

五合。今添五合。奏可。省臣奏准。再定南北糧鼠耗則例。至元二十九年八月。完澤丞相等奏。通州河西務倉官。告說各倉收糧。前省官定擬鼠耗。分例數少。至有鬻其妻子家產。尚陪納不完。至今辛苦。臣等議得。前省官所定鼠耗。分例不均。如今南北耗。各年分例。比在先斟酌再定之。上曰。如卿所奏。雖然。亦合用心。雀鼠待食用多少。休因此教。將人作弊。為盜欺詐。依舊聽耗。唐村等處。船運至河西務。北糧每石破七合。直沽船運至河西務。南糧每石破一升二合。河西務船運至通州。李二寺。南糧每石一升五合。北糧每石五合。填河站車。運至大都。省倉。南糧每石一升五合。北糧每石一升。今議擬聽耗。耗例。大都省倉。元定破耗。南糧每石四升。北糧每石三升。今議擬限年聽耗。初年聽耗。南糧每石二升。北糧每石一升五合。次年聽耗。南糧每石三升。北糧每石二升三合。貯經三年已上。依元定聽耗。南糧每石四升。北糧每石三升。河西務通州李二寺。元定破耗。南糧每石二升。北糧每石一升五合。今擬限年聽耗。初年依元定破耗。南糧每石二升。北糧每石一升五合。次年聽耗。南糧每石三升。北糧每石二升三合。貯經三年已上。聽耗。南糧每石四升。北糧每石三升。直沽倉除對船交策。不須破耗外。今擬一平。須要支運盡絕。南糧每石聽耗二升。元定破一升三合。

今擬添七合。香糯白粳破耗。大德三年。中書省准戶部呈。若依糙米例定奪。緣糙米俱各散裝。白粳香沙糯米。終用夾布袋盛。以此參詳。擬合比附散裝糙米破耗定例。三分中量減一分。海運至直沽。每石破耗八合。河西務至通州李二寺。每石破耗一升。如直沽裝船。經由通惠河徑赴大都交卸。止依至通州李二寺。每石破耗一升八合。排年海運。水脚價鈔至元十九年。欽奉聖旨。初開海道。不給脚鈔。就用係官海船。官司召領水手。起運糧儲。至楊村馬頭交卸。講究水程。自開洋上海等處。至楊村馬頭。計一萬三千三百五十里。至元二十一年。依驗千斤百里脚價。每石該支脚錢中統鈔八兩五錢九分。今近海有力人戶。自行造船。願募稍水。依已定擬。每石支鈔八兩五錢。至元二十九年。減作每石七兩五錢。元貞元年十二月二十八日。奏。朱張海運糧。在先每石脚錢八兩五錢。減為七兩五錢。如今糧食諸物。比之在先甚賤。脚錢亦合減。若不減。恐虧官臣等議。每石宜減去一兩。為六兩五錢。奏可。本年為頭糙白粳米。就直沽交卸。每石支中統鈔六兩五錢。香糯直赴大都。醴源倉交納。每石增鈔五錢。計七兩。大德七年。起運稻穀二十萬石。每石脚錢中統鈔五兩。至大元年四月初十日。奏。過海運糧脚價。每石六兩五錢。如今糧食諸物。湧貴量添五

錢為七兩。已後不與。照依先體例。與六兩五錢。至大三年。准尚書省咨。該本省咨。至大三年。海運糧斛。差官召領到海船。即日諸物湧貴。春運脚價。每石添作至元鈔一兩六錢。必是海道府先令本管船隻裝運。所擬召額海船。俱係福建浙東等處召額。至平江太倉劉家港裝運處所。比附海道舊常船戶。先去一二千里之遠。日用口糧盤費。偏負生受。量添脚價。官民兩便。照得先咨運糧脚價。費用不敷。春運糧米。每石量添至元鈔三錢。通該至元鈔一兩六錢。夏運糧斛。止依舊例。不須添支。移咨依上施行。今夏運船戶。依准所擬。照依春運例。每石添支至元鈔三錢。咨請照驗。本年脚價。糙白粳每石至元鈔一兩六錢。香糯每石至元鈔一兩七錢。至大四年。准中書省咨。該尚書省准本省咨。講究極治海運。至大三年十月二十九日。奏。准運糧脚價。每一石支至元鈔一兩六錢。如今添為二兩稻穀一石。支至元鈔一兩。如今添為一兩四錢。至元鈔本年為頭脚價。糙白粳每石至元鈔二兩。香糯每石至元鈔二兩八錢。稻穀每石一兩四錢。延祐元年二月初六日。海道府奉中書戶部符文。備奉中書省劄付。皇慶二年十月二十五日。奏。准對酌地里遠近。比元價之上。添與脚錢。本年為頭糧斛脚價。內福建運船運糙粳。每石一十三兩。温州慶元船運糙粳。

每石一十一兩五錢。香糯每石一十一兩五錢。紹興浙西船每石一十一兩。白糧價同稻穀。每石八兩。黑豆每石依糙白糧例支鈔一十一兩。已後年分至今起運。糙白粳香糯稻穀。依前支價。年例預支每歲八九月間海道府權依上平運額數為則。扣算先支六分脚價。差官赴省關撥管押前去。平江慶元溫台官庫寄收。候都省生到糧數。委定提調省官職名。或十月十一月內。海道府差官稟請省官親臨平江路提調給散除慶紹溫台兩浙合該脚價。海道府差官前去。與各路所委官一同給散。外本省提調官或有事故。改委左右司官前去。僅及一月散訖。還省海道府分派定春夏二運糧數。差官赴省關撥貼支四分脚價。次年正月間。咨請提調官親詣海道府裝發糧斛。給散貼支脚價。直至五六月間。夏運開洋了畢。運省。據天曆二年。海運正糧三百萬石。脚價不等。散過中統鈔六十四萬九千七百二十八定。二十八兩五錢。并增運附餘香白糯正糧三千四百七石三斗六升九合。鈔七百八十三定。三十四兩七錢四分三釐。通計支散脚價鈔六十五萬五百一十二定。一十三兩二錢四分三釐。

漕運水程。至元十九年。初開海運。每歲糧船於平江路劉家港等處聚船。經由揚州路通州海門縣黃連沙頭。萬里長灘開洋。沿山捉嶼。使於淮

永樂大典卷萬五千九百五十一

七

安路鹽城縣歷西海州海寧府東海縣密州膠州界。放靈山洋投東北。取成山路多有淺沙。行月餘才抵成山。羅壁朱清張瑄講究水程。自上海等處開洋。至楊村馬頭下卸處。經過地名山川。徑直多少。迂回計一萬三千三百五十里。至元二十九年朱清等建言。此路險惡。踏開生路。自劉家港開洋。遇東南風疾。一日可至。撐脚沙。彼有淺沙。日行夜泊。守伺西南便風。轉過沙嘴。一日到於三沙洋子江。再遇西南風色。一日至西塘沙大洪。拋泊來朝探洪。行駕一日。可過萬里長灘。透深才方開放大洋。先得西南順風。一晝夜約行一十餘里。到青水洋。得值東南風。三晝夜過黑水洋。望見沿津島大山。再得東南風。一日夜可至成山。一日夜至劉島。又一日夜至芝罘島。再一日夜至沙門島。守得東南便風。可放萊州大洋。三日三夜方到界河口。前後俱係便風。徑直水程約半月可達。如風水不便。迂回盤摺。或至一月四十日之上。方能到彼。倘值非常風阻。難度程限。明年又以糧船自劉家港開洋。過黃連沙。轉西行。使至膠西投東北。取成山亦為不便。繼委千戶段明略踏開生路。自劉家港開洋。至崇明州三沙。放洋望東行。使人黑水大洋。取成山轉西。至劉家島聚船。取薪水畢。到登州沙門島。於萊州大洋入界河。至今為便。皆行北道。風水險惡。至元十九年為始年。

永樂大典

卷一五九五〇

列糧船聚於劉家港入海。由黃大郎嘴、白節撐脚、唐浦等處一帶率皆沙淺。其洪道闊，却無千丈長之潮，兩向俱有白水。潮退皆露沙地，候得西南風順，過區擔沙、東南大洪過萬里長灘，透深開放大洋。至青水洋內，徑陸家等沙，下接長山，并西南鹽城一帶，越鐵沙嘴，及半洋沙嘴、西擔等沙，淺及至蘇州洋。又有三沽洋山、下八山、補陀山，到於黑水大洋，過成山北面一帶，并芝罘島、登州一路，木極島等處。近沙門島山，或鐵山嘴開放萊州大洋。又有三山、茅頭嘴、大姑河、小姑河、兩頭河等灘，及北有曹婆沙、梁河沙。南有劉姑蒲灘，至界河海口，復有灘淺，狹洪沙硬，潮汛長落不常。但遇東南風，本處船聚稠密，則有妨碍之虞。上項所由，各各險惡，去處設遇風濤，不甚猛惡，可以預為轉調，驛閃或收入山島，藏避守伺，風平浪少，然後行使。若值不測，驟風急雨，巨颶湧浪，危險之時，或白晝迷霧，晝夜昏黑，皆預聖朝洪福。天地神明護祐，非人力所及。延祐三年正月，海道都府據慶元紹興所申，紹興路三江陡門，至下蓋山一帶沙淺，一百餘里，名鐵板沙。潮汛猛惡，溫台船隻失底，食水深淺，船戶稍水不識，三江水脉，避怕險惡。直至四月中旬，尚於烈港等處停泊，不敢前來。差人搜究，斷罪催趕，覓剝船般剝，緣剝船數少，卒急不能尋覓，尚於海岸屯貯，委實靠損船戶。

永樂大典卷萬五千九百五

八

不便據紹興六路下年海運糧斛。如蒙照依皇慶二年例，就用本路船料裝發。若有不敷，於慶元路標撥小料海運貼裝。其溫台福建船隻起發劉家港交割，依舊於平江路倉裝糧。官民兩便。又準本府副萬戶抄兒赤目擊報難，必須改擬。若台州有裝官糧，先儘本路船隻，不敷於溫州船內貼撥。紹興路糧亦用本路船隻裝發。不敷用慶元路小料海船貼裝。其慶元府港深闊，臨近路倉脚夫，徑直擔米上船，就將船船，并溫台所用不盡船料支裝。倘有剝下船料，及慶元路船隻，差官押發劉家港交割。裝糧兩便。已經準擬標撥外，據福建船隻已行於慶元路支裝。記標指淺。至大四十年十二月，海道府據常熟州船戶蘇顯深言，立標指淺事，再行會集老舊運糧千戶殷忠顯、黃忠翊等，講究得每歲糧船到於劉家港聚齊起發。甘草等沙淺水暗，素於糧船為害。不知水脉之人，多於此上接開排，手損壞船糧，奔死人命，為數不少。今蘇顯備已船二隻，拋泊西暗沙嘴二處，豎立旗纓，指領糧船出淺，誠為可采。今畫到圖本，備榜太倉周涇橋路漕官前，聚船處所曉諭運糧船戶，起發糧船，務要於暗沙東蘇顯魚船偏南正西行使。於所立號船西邊經過，往北轉東，落水行使。至黃連沙嘴拋泊候風開洋。如是潮退，號上桅上，不立旗纓。糧船止許拋住，不許行使。若有不

依指約因而湊淺損失官糧之人。船主判院痛行斷罪所陷官糧臨事計酌着落陪運以蘇顯所言於官有益於民有便例應照擬申奉省府出給劉付令蘇顯祇受充指淺提領依上施行。延祐元年七月據常熟江陰千戶所申為江陰州界楊子江內巫子門等處沙淺損壞糧船喚到本處住坐船戶袁源湯璣謀究得江陰州管下夏港至君山直開沙淺至馬狀沙南一帶至彭公山石牌山浮山巫子門鎮山石頭港雷溝陳溝九處約有一百餘里俱有沙淺暗礁江湖衝流險惡潮長則一槩俱沒潮落微露沙脊連年支裝上江軍國等處糧船為不知各處淺沙暗礁中間多有損壞宜從官司差撥附近小料船隻設立諸知水勢之人於每歲裝糧之際駕船於沙淺處立標常川在彼指引糧船過淺不致踈虞為是江東各路船戶顧文寬林德明等稟船俱於巫子門等處着落淺湮沒其餘不及枚數據袁源等所言實為官民便益申奉省府給降劉付令袁源等充指淺提領照依議到事理預備船隻旗纓依上指淺施行。延祐四年十二月海道府承奉江浙行省劉付准中書省咨送戶部呈奉省判御史臺備監察御史呈每年春夏二次海運糧儲萬里海程渺無邊際皆以成山為標准俱各定北行使得至成山轉放沙門島萊州等洋約量可到直沽海口。

永樂大典卷五十九百五

九

為無卓望不能入河多有沙湧淤泥去處損壞船隻合准所言設立標望於龍山廟前高築土堆四傍石砌以布為幡每年四月十五日為始有司差夫添力豎起日間於上懸掛布幡夜則懸點火燈庶幾運糧海船得以瞻望部議合准監察御史所言令江浙行省計料成造幡竿繩索布幡燈籠蠟燭越送來春運糧時月發付海道萬戶府順帶至直沽交付有司收管於海門龍山廟前豎立畫則懸幡夜則掛燭何候春夏二運糧船齊足方許倒卸責付看廟僧人如法收掌次年起時復立依上懸點如有損壞短少預為申索相應都省准擬咨請依上施行。刑候潮汛應驗海道都漕運萬戶府前照磨徐泰亨曾經下海押糧赴北交卸本官紀錄切見萬里海洋渺無際涯陰晴風雨出於不測惟憑針路定向行船仰觀天象以卜明晦故船主高價召募慣熟梢工使司其事凡在船官糧人命皆所繫焉少有差失為害甚大泰亨因而詢訪得潮汛風信觀象畧節次第雖是俗說要驗皆應不避譏哂綴成口訣以期便記誦爾。潮汛前月起水二十五二十八日大汛至次月初五是下岸潮汛不啻差今古次月初十是起水十三大汛必然理二十運送下岸潮只隔七日循環爾。風信春後重花落不止四箇月日有風水二月十八潘婆颶三月十八一般起四月十八

打麻風。六月十九日彭祖忌。秋前十日風水生。秋後十日亦須至。八月十八潮誕。生次日須宜預防。避白露前後風水生。白露後頭亦未已。霜降時候。須作信。此是陰陽一定理。九月二十七無風。十月初五決有矣。每月初三。颶若無。初四行船難。指擬如遇庚日不變更。來到壬癸也。須避。觀象日落生耳。於南北必起風。兩莫疑惑。落日猶如糖餅紅。無雨必須忌。風伯日沒。觀色如胭脂。三日之中風作厄。若還接日有烏雲。隔日必然風雨。過烏雲接日。却露白。晴明天象便分得。對日有垢。兩可期不到。已申要盈尺。兩除晚垢。橫在空。來日精明。須可尅。北辰之下閃電光。三日之間事難測。大雨若無風水生。陰陽可以為定則。東南海門閃電光。五日之內雲潑黑。縱然無雨不為奇。必作風水大。便息。東北海門閃電光。三日須防雲如織。否則風水必為憂。要嘗試。驗無差忒。行船運了一潮。搭一汛。挫了一線。隔一山。十日灘頭坐。一日過九灘。艘數裝泊。艘數泊所。年例以船料多少。數目。灣泊何處。自何處開洋。合用船隻。休驗。歲運報數。灣泊去處。隨戶所看家步。緣戶計消長。迂移不常。報額增減無定。况船有損舊。必須修拆。或以小船三五隻。拆卸并造。改作一二隻。或因大料一船不堪。却將三二小船抵運。因此艘數泊所。俱無定籍。今已至順元年。高率。用船總計一千八

永樂大典卷五十九百五

十

百隻。崑山州太倉劉家港一帶六百一十三隻。崇明州東西三沙一百八十六隻。海鹽澉浦一十二隻。杭州江岸一帶五十一隻。嘉定州沙頭浦官橋等處一百七十三隻。上海浦等處一十九隻。常熟白茅港一帶一百七十三隻。江陰通州蔡港等處七隻。平陽瑞安州飛雲渡等港七十四隻。永嘉縣外沙港一十四隻。樂清白溪沙嶼等處二百四十二隻。黃巖州石塘等處一十一隻。烈港一帶三十四隻。紹興三江陟門三十九隻。慈溪定海象山鄞縣桃花等渡。大山高堰頭慈嶼等處一百四隻。臨海寧海嚴嶼鐵場等港二十三隻。奉化揭崎昌國秀山等嶼一帶二十三隻。皇慶元年五月。海道都府承奉江浙行省到付。為慶紹千戶所官集眾講究。得慶元地居東南。既於本處裝訖。糧米。再入劉家港取齊。多有沙險去處。若就定海港。口放洋。徑赴直沽交卸。實為便益。省府照得海運糧儲。最為重事。浙東慶元紹興路糧斛。既已講究定。就於定海開洋。本府正官理合親臨督併起發。仰即便摘委。廉幹府官一員。速詣彼中。點視完備。越時迭風。汛開洋。毋致失誤。具差定官職名。起程日期。飛申。 延祐元年六月。慶元紹興千戶范承直。呈。溫台慶紹兩浙糧數。前來劉家港交割裝報。今歲二月。使至匯上港口。多為春運。重載相妨。路遠得常。熟州白節港水深。內外堪

可灣泊。都府行據常熟江陰所申。移准千戶忽林夫。奉議將帶指淺提領蘇願相視得白茆港。合休平創。金松江糧船。自本港口上墩。南至包橋一帶拋泊。却令溫台慶紹兩所報船。於包橋上塘一帶着泊。開洋時分。先令本處沿江船隻。領縣出港。照依指淺船隻。開洋順便。浙西平江路劉家港開洋。一千六百五十三隻。浙東慶元路烈港開洋。一百四十七隻。支裝糧船。淺海。皆知險惡。其於裝糧江河。多有艱危去處。亦不為易。今按問到上江裏河支裝糧船。連近里路。安危地向如后。上江裝糧海船。自平江路。嘉定州劉家港開船。經由揚子江。逆行。使經由各處沙淺。常損糧船。平江路常熟州地面。甘草等沙水淺。委蘇願指引江陰州地面。淺沙暗礁。九處。約一百餘里。夏港至君山直開為馱沙面。一帶至彭公山石牌山浮山。至子門鐵積沙鎮山石頭港雷溝陳溝。委袁源湯興。指引真州泊水灣交裝。江西湖廣糧。自劉家港至彼。約六百六十五里。江東各路。自真州以上。江西狹窄。水勢緊急。及蕪湖米石一帶。山磯峽險。每船一隻。小者亦用三五十人。登山入水。攀緣木石。打號。僅力一聲。方牽一步。延祐二年。為始。申覆省府。并提調官劉付各路。如遇江狹磯淺。滿急去處。差倩人夫。添力牽運船隻。集慶路倉。自劉家港至彼。約九百四十里。至太平路。一百八十里。

共一千一百二十里。至寧國路水陽倉。三百六十里。共一千四百八十里。以上三路。每歲海船。可以抵岸支裝。延祐六年四月二十日。據亮山崇明所千戶郭奉議申。船戶駕使海船。至黃池蕪湖港口。為是各船料大。溪河淺隘。不敢抵倉。約離三五十里。移準寧國路提調官總管宋中大夫等。牒差官前去本路河岸。及溧水州建平縣地面。將應有船隻。作急前來。短搬外。合支水脚錢鈔。今船戶就便支給。本府移牒寧國路添力到載。池州路倉一百八十里。共一千六百六十里。在前年。分本處短利官糧。至太平蕪湖江口交割。水程三百五十里。延祐四年。奉省劉海船。徑抵倉門。滿浦裝糧海船。自揚州崇明州三沙黃連沙投西過地。石料角等處。一帶沙淺。連屬十里。潮長則海水滿湧。淺深莫測。潮落則僅存一溝。寸步萬險。若船料稍大。必致靠損。難計里路。浙西裝糧路分。皆是船戶願覓河船。短利糧斛。般上海船。今以亮山州太倉聚船去處。至九路倉分。平江路一百八里。無錫州一百九十八里。常州路二百八十八里。內三倉係在城。置立河道。淺狹。用小料河船。逐旋般至城外。裝入剝船。海鹽州三百四十里。湖州路三百一十八里。松江府三百六十里。海船至花溼塘灣泊。離倉約一十二里。小船般剝。為泥溼四百八十六里。海船於黃浦口灣泊。離倉約七里。

永樂大典

卷一五九五〇

用小船般利。江陰州四百五十里。海船於黃田港灣泊。離舍約三里。用小船般利。鎮江路六百八十里。糧米舍在香櫓舍之北。用小車般運。約二二里至鱘魚港填頭。用小船利上海船。香櫓舍之南。用小車運至河船約三二里。到鱘魚港填頭。用小船利上海船。轉摺生受。浙東裝根路分紹興路三江陟門至下蓋山。一帶河淺。一百餘里。名為鐵板沙。必用本路諳知地勢海船。并慶元路小料船隻。裝運本路官倉。至海船灣泊處。三江陟門有小河。水程一十八里。顧覓河船短利。台州路長田港沙淺。用本路海船。支裝官倉至南門外泊船處。約離三里。脚夫挑擔上船。慶元路府港深闊。臨近路約一里。脚夫挑擔上船。天北重慶詳廟宇。蘇州志漕運之法。自秦罷侯置郡以來。天下飛蕩挽粟。以三十鍾為率。僅得一石。可謂艱矣。宋置淮南兩浙江湖路發運使。歲漕數百萬石。行轉搬之法。東南六路轉運。真泗間。勞民尤甚。由海道而運。則未有也。元既平宋。漕江南糧以河運。弗便。至元十九年。用丞相伯顏言。初通海道漕運。抵直沽。以達京城。立運糧萬戶府三於姑蘇。以南人朱清張瑄羅璧為之。初歲以官船運糧四萬餘石。八月於劉家港聚會。由通州海門縣黃連沙。萬里長灘開洋。沿山堤嶼至鹽城縣。歷西海州密膠等州界。涉靈山洋。東北行使月餘。纔至成山次平。

永樂大典卷萬五千九百五

十二

三月方抵直沽。至元二十一年。定議官支脚價。令近海有力人戶自行造船。願募稍水運糧。依驗十斤百里。每石脚價八兩五錢。當年運糧二十九萬五千石。二十二年運一十萬石。二十三年改立海道運糧萬戶二處。運糧五十七萬八千餘石。二十四年添設萬戶府二處。通前設四萬戶府。立行泉州府司以轄之。運糧三十萬石。又行初運遼東糧三萬石。二十五年四十萬石。二十六年九十三萬五千石。二十七年一百五十萬五千石。二十八年合併四萬戶府。設立海道都漕運萬戶府二處。除授達魯花赤教化的副達魯花赤脫鉢與淮東宣慰使張瑄。江東宣慰使朱清。分任其事。於平江路置司運糧一百五十二萬七千二百五十石。二十九年一百三十九萬七千四百石。朱張四六分運。脚價七兩五錢。三十年千戶啟明踏開生路。自劉家港至崇明三沙放洋。望東使入黑水大洋。收成山轉西至劉家島。聚解取柴。登州沙門島放業。周年入界河。不旬日而抵沽口。當年運糧九十萬八千石。自後悉由此路。甚為便益。千戶啟明亦以此而陞叙。三十一年。監察御史言海道不便。權行住運。照依上都和中糧及用鹽引折糴。朝廷以自至元十九年以來。海道運糧多方。惜劃始得成。効若擬鹽引中糧。久而鹽法必壞。用鈔買糴。久而鈔法必虛。海道且宜存設。當

平運糧五十一萬四千五百三十三石。元貞元年，南萬戶府均運三十四萬五百二十二年。朱張停運，腳價或作六兩五錢。大德以來，歲運不下百萬石。自朱張廢罷，大德七年，併立海道都漕運萬戶府，改設達魯花赤正萬戶各一員，副萬戶四員，各降虎符，首領官三員。八年，給降銀印，轄千戶所一十一處，鎮撫所一處，委用千戶六十七員，各降金牌。交轄前萬戶府，舊海船一百二十五萬料，當運糧一百六十七萬二千九百九十石有奇。朝給賞賜官吏表裏段疋，有差定為歲例。九年，十年，十一年，所運累增，及一百八十八萬餘石。至大元年，萬戶李羅帖木兒陞中書省右丞，佩三珠虎符，提調海運，運糧一百二十九萬六千四百四十八石。二年，李羅帖木兒改江浙行省平章，提調整治，歲運三百四十六萬石。三年，行省丞相答失蠻、平章李羅帖木兒提調，添力成就，萬戶阿散、忽都魯、張文質講究，更張一十三事，腳價添作每石至元鈔一兩六錢，香糯一兩七錢，運糧二百九十三萬六千五百三十三石。四年，中書奏，委行省張問平章、高恭政，昉提調與本府官，并朱張舊運糧頭目講究遠規。是年，併一十所為七所，龜山、萊州、所、松江嘉定所、台州、杭州、嘉興所、常熟、江陰所、慶元所、香積所，時正萬戶王柔，由杭州路總管改授，厚重有謀，命其整治，條具上陳，其目有五，曰固本

永樂大典卷之萬五千九百五

十三

作氣去擾，辦事得人，其蓋謂漕以舟為本，舟以民力為本。今海居之民，財匱貨翔，煦姬履護之不勤，則本實先撥，為經遠謀，必固本為先，首以固本為提綱，終以得人為急務。二者相須，泉日舉，舉朝廷是之。戶漕商載者為海漕，久行良法，其論悉採。邵人周文英所言，文英，宋文辭尚書，武仲七世孫也。又嘗陳杭州鈔法，三吳水利，具載津物業。皇慶元年，運糧二百八萬三千五百五石。二年，春夏二運，漕值風颶，省府提調官右丞高資善講究便宜，並事宜。本府提控按贖，兼承發架閣，徐泰亨條陳漕運之弊，更張十事，萬戶郝中議赴都省告稟，准用其七。當年泰亨給腳價，每石一十三兩，休泰

身餘批人常言海運紀年七卷行十時。自是以後，歲運三百餘萬石，第以風信不時，或遭沙淺，或厄風浪，以致失滄。由此運到數目不等，然亦不成。二三百萬石，燕都內外官府大小吏士，至於細民，無不仰給。馬至正十九年，至二十三年，張士誠所運，每歲僅一十餘萬石，馬元成憲綱要至元三年，欽奉聖旨，擴運糧牽船頭疋，除海青使臣，應付舖馬頭口外，其餘過往宣使軍馬人等，並不得奪要頭疋。至元二十五年，欽奉條畫，節該漕運司常切鞫勒倉官人等，並不得收管不堪支持糧斛。在倉糧數時常點視，無致發變損壞。至元二十八年七月，中書省咨隨處糧斛，皆係人戶元納，乾

圓潔淨好糧。價運倉官斗脚船戶押綱人等。作弊侵盜食用。因而押和糠。或水拌抵數欺官。請行下合屬。如遇起送。即令各倉用印封裹。內一裹本倉收貯。一裹呈解本省。谷發前來。二裹分付押糧官。費赴直沽等處。收糧倉分存留。一裹備照。開拆對樣交收。若有濕潤糠土不淨。糧數定是根。揆究治。大德六年。御史堂奉中書省劄付。各路元撥船戶軍夫。除免差稅。官給船隻。專一漕運糧斛。別無餘事。近年已來。綱官頭目。中間作弊。齊歛錢物。放富差貧。及自行代替。本管上司。亦不點視。關防究問。以致如此。今後若有違犯。許諸人首告。以問是實。痛行追斷。本管上司失檢舉者。亦行治罪。仰嚴加體察施行。至大三年正月。欽奉聖旨。節該各路運糧。魯花赤管。總提調成就者。提調官收糧時分。好生的整治者。依體例乾源好米收者。濕潤泡變休送納者。這海道都漕運萬戶府官人每。依體例好米交送納者。列了的官吏人等有罪過者。至大四年二月。欽奉聖旨。節該海道都漕運萬戶府運糧的時分。諸衙門不揀是誰。他每的勾當。其間休人去者。休沮壞者。修理船隻所用的木植。不揀甚麼出產的地面裏。收買的時分。管地面的民官每。添氣力收買者。水脚錢依時查數散到者。尅減要肚皮的。監察廉訪司官體察者。更運糧的官人每。自其間不提調。管民官每不用

心。好生體覆呵。有罪過者。委付來的萬戶千戶百戶官人每。好生謹慎成就。勾當呵。更添與名分賞與也者。不幹濟壞了勾當。要了罪過罷了者。迤祐四年九月。欽奉聖旨。節該海道都漕運萬戶府。江浙省官提調從長召顧規畫船隻。斟酌地理遠近。與脚價將合運的糧。依數起運到直沽裏呵。轉收運的人每。疾忙交送納者。遲慢泡變的人每。有罪過者。舊運糧來的船戶。使見識趨避不肯運糧呵。有司官添氣力者。沿海地面官司如遭風船隻。淹沒了糧斛告呵。用心從實體勘者。運糧官吏船戶每。船隻遭風淹沒了糧斛也。麼道休說謀。使見識者。似這般的瀕海。委付來的州縣官。好生用心。根問虛實者。休只憑他每的文字。破除數目者。至治元年八月。欽奉條畫。節該臨清御河直沽運糧等軍。近年逃亡所拋糧數。今見在軍人。已運勛力疲乏。濠戶下合該。雜泛差役。並倚除免。通制元真二年五月。聖旨。節該中書省。奏都漕運使司所管沿河倉分。隨路部糧官吏。與倉官人等。通同作弊。收受糠糶米粟。結攬輕費。虛出通關。致有短少。官糧又收糧其間。各處官司。輒將倉官綱官人等。勾攝攬擾。沮壞漕運。事准奏。仰漕運司官。各路部糧正官倉官人等。毋得似前通同作弊。收運糧斛。其間諸衙門。不得妄生事端。勾擾沮壞。違者。照休果降聖旨。條畫斷罪。至元二十五年。

年三月尚書省契勘大都居民所用糧斛全藉客旅與販供給。體知漕運司押綱頭目并船戶人等指裝運官糧為名將御河上下與販物斛客旅非理撻擾及將在船物貨強行剝卸阻滯販費以致京師物斛添價都省議得擬令都漕運使司嚴加禁約押綱頭目船戶人等毋致似前撻擾客旅阻滯船隻非奉都省明文不得擅自拘額。大德七年河南省咨江陵路價運播州未報不行查照鼠尾文冊致令司縣將近上田多人戶不曾點差却將無地消乏下戶監勒一槩差遣都省議得荆湖北道宜憇使你只紀寬同知不冗歹等咨到俸一月沒官經歷賈信火一十七下都事崔祉李真各决二十七。江陵路達魯花赤忽魯海牙總管皆德基各决一十七下所判趙藏器推官程鏗張從裕程慶知事王毅等各决二十七下提控按噴黃獲道决三十七下其餘司縣正官比例各决三十七下。標附過名皇慶二年四月江浙有咨本省提調海運官咨海運歲供京師所繫甚重往往詐稱風水盜糶官糧除已督責合屬委自廉幹正官於瀕海去處常切用心巡視體問若有運糧船隻無故泊海停泊就將船主取招究治。晝時催趕起發前赴直沽等處交卸不得停留本地面里正社長主首人等容令灣泊盜糶官糧作弊一體坐罪。如果有違風船隻隨即根問虛實體覆

永樂大典卷萬五千九百五

十五

明日依例施行外切恐各處官司恃不統攝者為泛常合令山東沿海去處官司嚴切戒諭庶肯遵守。都省准擬皇慶元年刑部呈准弓兵本以逃警差撥護送實妨巡捕除進呈寶貨金銀鈔錠絲綿疋帛貴理物貨依例止差弓兵其餘龐重物貨不須防送或押運人等敢有違例占騎弓手馬疋各處官司即便究問至元十七年七月初五日樞密院奏鎮守軍人不時有諸投下及行錢做買賣等費着聖旨令旨各處官人每文字便要差軍防送委是軍人生受奉聖旨今後休交防送者至元十七年二月行省體知各處運運官物多差蒙古漢軍騎生出征馬防送靠損馬匹深繫利害今後運運諸物必合防送差撥步軍大德四年都省咨議得行省應起運赴都諸物當該提調正官與所委押運官眼同點檢足備如法打角除金銀寶鈔貴細物貨絲綿疋帛依例輸差州縣以次官宣使管押其餘木綿土布造作等項龐重物件止差宣使將到元經手并庫子人等解納外據諸項軍器須差色目官員與局官押運其常課布疋亦差宣使與局官起納却不得因而別差無俸及求仕人等押運。大德四年三月戶部呈江南起納錢物既有元差長押人員各處又有防護軍官人等其州縣伴送正官合行革去。都省准呈。大德六年十月。中書省咨如遇官物到於某處

永樂大典

卷一五九五〇

指定端的可到前路日期於關文上書寫某日時到來某日起程前去行移前路官司。運送防送如不行指定實到日期致令前路守候者。隨即將元發關文官吏取招斷罪。至大四年刑部呈准各處行省并諸衙門起運官物不分貴細廉重俱要弓兵防送皆由起發官司之弊。今後如必合防送之物從地頭官司於差到上該寫弓兵定數。如有濫給從初判署官吏責罰相應至治元年刑部呈准除大都路見今頭目押送外頭四省今後合發出軍流囚不限月日以寡就衆如及十名作一運次差有徒能幹慣熟之人管押直至遠陽行省交割各取明白收管照用外據河南陝西湖北廣江西嶺北所轄去處并腹裏路分亦合依上接運。至治三年刑部呈准各處遇有合發流囚本處差人管押行移前路巡尉官司交割轉發前去取各處印信收管无差長押直抵所指去處取明白收管回還若有疎虞着落拘該地面官兵追捕長押人員并巡防人等驗事輕重斷罪為例連守都省准擬國朝典章至元十七年九月御史臺承中書省劄付據各處起運官物其所差押運人員往往不肯隨運車輛用心關防或令車輛先行自後根趕及或越程前去安歇等候後有徑到地訖往經十日或半月之上車輛才行到來以此多致所押物貨沿路疎失損壞私下着落站戶

永樂大典卷萬五千九百五

十六

唱車人等陪價不惟損失官物耽誤公事實為滋引詞訟不便今後但有起運官物就取押運人等甘結文狀須要親為根逐押運晝夜用心關防毋致疎失損壞都省仰依上施行。至元二十一年七月御史臺承中書省劄付據南京等路宣慰司呈據襄陽路申切見本路經過雲南四川諸部蠻夷官員管押進呈馬疋諸物於內多有得替或因事赴上官員將帶梯已馬疋等物別賣把解發明文俱稱進呈為名擅與前路官司呈狀或關牒倒行前路於隨處取要人員飲食馬疋草料棗物棗馬人夫恣意侵凌官司於所至之處為是進呈之物不敢違悞其所押物貨未知是否進上例支破官錢動搖於民如此朦蔽上下俱無可見。至甚未便今後遇有進呈等物若今始自本處官司明給申覆上司文解并押運人負差到前路文字開生數目今經過去處休驗應付飲食草料合用人夫赴上亦恐无解領納所進之物似不枉負官物庶使於民各得其益申乞照驗本司看詳襄陽路所申若令行省等衙門差劄明白開寫合運官物應付脚力實為允當共呈中書省照詳都省議得依准所呈今後遇有進呈物件本處官司打角了畢點數箱篋包篋秤見斤重於押官差劄并關文上明白開寫行移前路應付脚力人夫運運前來所司驗數收受外據飲食草料

依例施行至元三十年七月行御史臺准御史臺咨據監察御史呈因公
 差至陝州胡城站西路運押綱葡萄酒狀色目人負通起馬一百一十一
 疋內駝酒馬六十二疋押運官乘騎并馳行李馬一十四疋元刺赤騎出
 三十五疋本站馬數不敷與前站相併又有打過上站馬疋應付去訖又
 體知得陝西漢中道廉訪司察知使臣兀里納鋪馬上夾帶水銀本司見
 行取問卑職照得大都至安西各站鋪馬多寡不一據實狀酒馬六十二
 疋押運官行李回馬四十九疋如此多員蓋因元起發官司於起馬關文
 內不行明白開寫實起馬疋縱令押運官中間恣意稍帶諸物其各處所
 設脫脫禾孫止憑前站關文即行應付並不盤當習成此弊奉中書省劉
 付都省議得今後各處起運係官諸物自起程官司將物貨盤秤見數如
 法打合封記備細數目於押物人若到內明白開寫驗實起數目可起馬
 疋并元刺赤騎酌緩急分作運次應付經過脫脫禾孫更焉點視照勘差
 劉不致夾帶余物如有犯之人同元起發官司一體治罪及脫脫禾孫不
 為用心分間亦焉嚴加罪責除仰照驗依上施行至慶元年九月江西
 行省往中書省咨刑部呈濟寧路備濟州申任威縣准捕盜官牒照得江
 南各省押運到官物人員各費行省劉付嚴重物價並要防送動將捕盜

永樂大典卷五十九百五

十七

官吏打馬及將弓兵人等吊拷剝脫衣服都省照得先為運運係官諸物
 除金銀寶鈔貴細物貨合用防送弓兵照依路關文隨即應付多者不過
 一十五名押運人員不合多餘差占及不得須要捕盜官防送外據廉重
 物貨弓人窺圖之物不須防送又照得多有海外諸番進呈獅象虎豹漢
 馬犀牛猿猴并江浙四省押運到年例支持皮貨繒姜漆器桐油等物并
 海道屯田運運糧斛菓子因未魚貨小料船隻并赴任回還官員老小自
 已船隻及紙經板經文茶貨甘橘藥物木瓜銅器心紅拘剝到相撲人等
 到來本鎮有押運人員止憑前路關文便要正馬弓兵及正官防送實是
 生受合行備申乞照詳施行得此本部議得弓兵之設本以巡警盜賊其
 各處起納諸物不分責細兼重一槩差發官兵護送實妨巡捕事繁利害
 以此察詳如家都省存咨各處行省除進呈茶貨金銀鈔錠絲綿疋帛貴
 細物貨依例上差弓兵其物廉重不須防送照會本部禁治相應具呈照
 詳都省請依上施行大德典章大德五年十月二十四日江西行省准中
 書省咨兵部呈奉省判本部呈伯顏簽者言擾民不使事內一件東平路
 起運諸物元定千斤百里中統鈔一十兩單料湯貴官吏腳價不敷自今
 街下額脚千斤百里該鈔一十七兩若依街下腳價中統鈔一十七兩額

覓不致擾民曹州中今後千斤百里脚價例量添一倍河間路中如家照
依街市兩平和顧相應河南行省咨河南府申和顧脚力元定千斤百里
山路一十二兩平川一十兩近年諸物湧貴其得脚價不敷合無照依自
令各路車杖實該價錢預為支發兩平和顧似不擾民至元二十九平新
黃運糧下水千斤百里脚錢中統鈔六錢別無上水定例議得上水比下
水增倍作一兩二錢早脚價錢亦合比元定之上量添加五本部議得山
路脚錢一十二兩平川一十兩雖是在先已定通例却緣比平諸物湧貴
運額數止循舊例實是虧民恭詳除大都至上都并五臺脚價外其餘
路分今後應有運運諸物水脚價錢比附行省所擬上水添作一兩下水
止依舊例六錢早脚山路作一十五兩平川一十二兩於不是何錢內
隨帥放支相應奉都堂鈞旨運送兵部照勘明白議擬通例連呈奉此照
得至元二十五年四月本部與戶部講究定各都應起諸物千斤百里平
川支中統鈔一十兩山路一十二兩水路六錢又於大都路例除水脚卷
內照得千斤百里下水支鈔七錢上水八錢為不見幾年分定例行據大
都路備通州申官顧水脚於大德三年為江西省鈔本和顧到水脚價例
係家者委例除官定擬到上水八錢下水七錢到今依此例和顧外據和

顧水脚即與官顧例同早路平川和顧脚價錢二十兩山路和顧馳運五
臺帖貨擬支鈔三十六兩開中乞照檢及照得元真二年六月承奉中書
省到付江浙省滿杭州路申約量定擬粟河千斤百里支中統鈔六錢外
江上水七錢下水六錢移咨本省更為可否相應依上施行又照得大德
四年七月二十九日承奉中書省到付本部呈高唐州申運運官物差撥
百姓車牛生受都省議得起運官物已有定例程限今後各處行省應起
諸物趁河水通流分運起運若遇河水結凍地面官司將緊用細物秤盤
實有斤重官為兩平和顧快便脚力直至前路總管府交割合該脚價於
本路不以其何係官錢內即便應付等事除外仰過行合屬依上施行奉
此除遵依外今奉前因本部議得運脚力若從諸路兩平和顧先行放
支脚價實恐各路無定例有礙官錢將來倒除倘有爭懸各官彼處體
例如此似難關防以此參詳除大都至上都并五臺脚價外其餘路分比
附各處所擬千斤百里中統鈔為別量添早脚山路作一十五兩平川一
十二兩江南腹裏河道水脚上水作八錢下水七錢江黃河上水一兩下
水七錢驗實有斤重於不以其何官錢內即便放支和顧運運相應具呈
照詳得此都省議得除下水脚價擬依舊例六錢外余准部擬除外咨請

永樂大典

卷一五九五〇

照驗依上施行。大德六年七月日。袁州路奉江西行省劄付。據南原路申。惟饒州路關。惟信州路關。惟衢州路關。照得大德五年十二月初二日。據常山水步站申。有福建閩慶南勅汀泉饒信等路。起解金銀錢天等項。綱運從本路經過。或三扛五扛。先差長押官并庫官庫子管押。續後或兩次三次。又差庫官庫子人等。管押根起元委長押官。並要站船裝載。每長押官庫官庫子人等。依惟前路文字。不同五扛之上。十扛之下。例要遞運船一隻。站船二隻。今後起解物件。如四扛之上。十扛之下。莫若令所委人覓就坐遞運船隻。免用站船。四扛之下。所委人就坐站船。免用遞運船隻。如此似望兩得其便。乞照詳得此。申覆通政院。照詳去後。大德六年四月初四日。奉通政院劄付。該准申施行。奉此。關請依奉通政院劄付事。理苑行。惟此申乞照驗。省府仰依上施行。

永樂大典卷之一萬五千九百五十

永樂大典卷之一萬五千九百五十

十九